

# In champ per uffants svizzers en l'exteriur

**(anr) Questa stad vegnan radund 300 uffants svizzers da l'entir mund per visitar e guardar co la Svizra vesa ora. 40 dad els fan part d'in champ a Bravuogn.** En tut datti enturn 720 000 Svizras e Svizzers che vivan per curt u pli lung temp en l'exteriur. Tranter quels sa chattan era blers uffants e giuvenils. Ad els porscha la Fundaziun per giuvens Svizzers en l'exteriur chaschuns spezialas per nuar lioms cun lur pajais d'origin. Il champ a Bravuogn contribuescha era liars.

La finamira dal program da la Funda-

ziun èsi dad avischnar la Svizra als participants dal champ a Bravuogn, che vengnan or da 15 divers pajais, cun mussar con bler che quella ha da porscher. Amizias, che sa dattan durant in tal champ da vacanzas, duran savens onns e promovon il contact e barat tranter tschingt continents. La Fundaziun – cun il sigil da qualidat Zewo – è dumandada, siond che durant il champ da vacanzas s'entau-pa per curt temp «l'entir mund» sin in pitschen spazi.

Onn per onn profiteschan radund 400 uffants tranter otg e 14 onns da la

purschida da la fundaziun. Abstrahà dal pass svizzer collian els era la prontezza da superar cunfins culturals e linguistics e far mirveglias dad emprender d'enconuscher da cuminanza lur emprima patria. – Durant duas emnas en il champ vulan ils uffants savair da lur team directiv daplì da las diversas regiuns svizras. Dasperas datti anc temp avunda per intervegnir bler interessant davart la Svizra sco per sumeglia era tras s'occupar cun linguatgs, chanzuns, recepts da cuschnar e cun gieus tipics per noss pajais.

Ina donaziun a la fundaziun fa pus-

saivel da dar contribuziuns vi dals custs da quest champ per uffants da famiglias main bainstantas. Plinavant tschertga il comité chantunal grischun, presidià da cuss. naz. *Martin Candinas*, Rabiun, era voluntaris che s'engaschan per l'idea da la fundaziun. Part da la suprastanza fan plinavant: *Edith Bivetti-Kerle*, Cuir; *Nadine Fritsche*, Malans; deputà *Maurus Tomaschett*, Breil e *Silvio Zala*, Brusio.

**Infurmaziuns dat la centrala da la fundaziun a Berna, Alpenstrasse 26, tel. 031/356 61 16 u e-mail [sjas@aso.ch](mailto:sjas@aso.ch)**



Ina Svizra da l'exteriur en il champ.



Sin excursiun cun las chauras.